

SPORT

Eigenschaften *
Keine aktuelle Auswahl

22. koparski turněr wo pokal gmejskeje skupiny CDU Róženčenko pjaty raz dobyli

30. december sej koparjo z Smječek, Pěšec, Chróšć a dalších wokolnych wsow w kalendrje stajnje wosebje markěruja. Kóžde lěto mjenujcy wojuja we Worklečanskej sportowni wo woblubowany pokal gmejskeje skupiny CDU. Tak hraješe tam minje-

nedzeli dźesać mustwow hižo 22. raz. Znowa bě tójšto přihladowarjow do Worklec přichwatało.

W dwěmajstaflomaj wojowachu koparjo najprjedy wo polfinalne městna. Přerjona skupina měješe ze Serbskimi Pazlicami, Nowej Wjesku, Róžantom a młodymi

ženjenymi Worklečanami hnydom wjacorych kandidatow za dobyće pokala. Wotpowědnje wurunane běchu hry. Róžant pak so před Nowej Wjesku (zakitowar pokala) přesadzi. W tamnej staflji bě wšitko jasnišo. Młodžina z Worklec zaměstni so před Chróšćami. Tež po finalnej hrě běšej jednostronska naležnosť. Nowowješćenjo porazychu ze swojej robustnej hru Worklečanow. Róženčenko přewynychu ze stajnym pressingom Chróšćanow ze 4:1. Koparjo z hnadowneho městna mějachu tak móžnosť, so za finalnu porážku 2011 přeciwo Nowej Wjesce rewanšować. A to so jim tež poradzi. Wot wšeho spočatka běchu koncentrowaniši, spěšniši a tež agresiwniši. Tak dyrbješe Bosćij Klimant, kotrehož wuzwolichu wospjet za najlěpšeho wrotarja, hnydompjeć króć zady so přimnyć. Dwójce Šewc a trójce Bjeńš (Jurij, Bosćij a Stefan) běchu za Róžant wuspěšni. Čestne wrota za Nowu Wjesku třěli Aleksander Dórnik.

Finale kaž tež hišće někotre dalje hry běchu tónkróć jara robustne, tak zo dyrbještaj dobraj sudnikaj Clemens Běta a Detlef Kral husto zapřimnyć a hdys a hdys tež žoltu kartu pokazac.

„Je pytnyć, zo niwow lěto wob lěto stupa, dokelž mjez druhim dale a wjac aktivnych koparjow sobu hraje. Runje tohodla je turněr dale atraktiwny a tež stajnje mnohich přihladowarjow přiw-



Wrotar Nowowješćanskeho mustwa Bosćij Klimant (číslo 1) bu minjenu nedzeli we Worklečach třěći raz za sobu jako najlěpši wrotar wuznamjenjeny.



22. koparski turněr wo pokal gmejskeje skupiny CDU we Worklečach su Róženčenko dobyli. W kónčnej hrě přesadžichu so woni 5:1 přeciwo Nowej Wjesce. Na wobrazu wotlěwa Worklečanski wjesnjana Fran Bruska, Stefan Bjeńš, Stanij Šewc, Gabriel Kurjat, Pětr Domaška, turněrowy nawoda Alojs Mikławšk a zapóslanča zwjazkowneho sejma Marja Michałkowa (CDU); přědku wotlěwa Bosćij Bjeńš, Jurij Bjeńš a Marcel Kral
Foće: T. Šořta

bja“, rezirowaše organizator Alojs Mikławšk po mytowanju mustwow. Tam wuznamjeni wón zhromadnje z Francom

Bruskom a zapóslanču CDU Marju Michałkowej tež Pětra Domaška jako najlěpšeho třělca (9 wrotow).
jb